



**Broj: 02-50-1-16-32/09
Sarajevo, 13. 7. 2009.**

**ZAPISNIK
32. sjednice Doma naroda
Parlamentarne skupštine Bosne i Hercegovine,
održane 13. 7. 2009. godine**

Sjednica je počela u 11,10 sati.

Sjednicom je predsjedavao Ilija Filipović, predsjedavajući Doma naroda Parlamentarne skupštine BiH.

Sjednici je prisustvovalo 15 delegata.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija i sredstava javnog informiranja.

Prije prelaska na razmatranje dnevnog reda za ovu sjednicu, predsjedavajući Doma naroda informirao je prisutne da je mr. Rudo Vidović 24. 6. 2009. podnio ostavku na dužnost delegata u Domu naroda, jer je imenovan na dužnost ministra komunikacija i prometa BiH u Vijeću ministara BiH.

Centralna izborna komisija BiH dostavila je Odluku o dodjeli mandata dr. Boži Ljubiću, kao sljedećem kvalificiranom kandidatu s liste Hrvatske demokratske zajednice 1990.- Hrvatsko zajedništvo.

Predsjedavajući je pozvao dr.Božu Ljubića da pred Domom da svečanu izjavu nakon čega je dr. Božo Ljubić dao svečanu izjavu i preuzeo sva prava i obaveze delegata u Domu naroda Parlamentarne skupštine BiH.

Dom naroda jednoglasno je usvojio sljedeći

DNEVNI RED

1. Odgovori na delegatska pitanja i delegatska pitanja;
2. Usvajanje Zapisnika 31. sjednice Doma naroda;
3. Izvještaj Zajedničke komisije za usaglašavanje teksta Prijedloga zakona o izmjenama i dopunama Zakona o Graničnoj policiji BiH;
4. Zahtjev Vijeća ministara BiH za razmatranje Prijedloga zakona o izmjenama i dopunama Zakona o plaćama i naknadama u institucijama BiH po hitnom postupku, u skladu s članom 122. Poslovnika Doma naroda;
5. Prijedlog zakona o izmjenama i dopunama Zakona o službi u Oružanim snagama BiH (drugo čitanje), predlagач: Vijeće ministara BiH;
6. Prijedlog zakona o kontroli vanjskotrgovinskog prometa robe i usluga od strateške važnosti za sigurnost BiH (drugo čitanje), predlagач: Vijeće ministara BiH;

7. Prijedlog zakona o upotrebi znakovnog jezika u BiH (prvo čitanje), predlagač: Predstavnički dom;
8. Godišnja platforma o sigurnosno-obavještajnoj politici, podnosilac: Predsjedništvo BiH;
9. Informacija o radu Tužilaštva BiH za 2008. godinu;
10. Informacija Ombudsmena za ljudska prava BiH o zatečenom stanju u 2008. godini i aktivnostima preduzetim u 2009. godini;
11. Informacija o stanju sigurnosti u Bosni i Hercegovini u 2008. godini;
12. Izjašnjavanje Doma o prijedlogu Zajedničkog kolegija oba doma Parlamentarne skupštine BiH za obraćanje kolegija oba domova visokom predstavniku za BiH radi davanja mišljenja o Zaključku Zajedničke komisije za ljudska prava, prava djeteta, mlade, imigracije, izbjeglice, azil i etiku;
13. Davanje saglasnosti za ratificiranje Sporazuma između Vijeća ministara BiH i Vlade Države Izrael o ukidanju viza za nosioce diplomatskih i službenih pasoša;
14. Davanje saglasnosti za ratificiranje Sporazuma između Vijeća ministara BiH i Vlade Savezne Republike Njemačke o finansijskoj saradnji u 2006. godini;
15. Davanje suglasnosti za ratificiranje Sporazuma između Vijeća ministara BiH i Vijeća ministara Republike Albanije o uzajamnim putovanjima državljana;
16. Davanje suglasnosti za ratificiranje Dodatka Memorandumu o razumijevanju između Vlade Kraljevine Holandije i Vijeća ministara BiH o Programu za saradnju s tržištima u nastajanju (PSOM);
17. Davanje saglasnosti za ratificiranje Zasebnog aranžmana između Kfw-a, Frankfurt na Majni i BiH, koju zastupa Ministarstvo finansija i trezora BiH, kao i Federacije BiH, koju zastupa Federalno ministarstvo finansija, i Republike Srpske, koju zastupa Ministarstvo finansija Republike Srpske;
18. Davanje saglasnosti za ratificiranje Konvencije o identifikacionim dokumentima pomoraca (revidirana), broj: 185 iz 2003. godine;
19. Davanje saglasnosti za ratificiranje Konvencije o klauzulama o radu (javni ugovori), broj: 94 iz 1949. godine, i Preporuke o klauzulama o radu (javni ugovori), broj: 84 iz 1949. godine, Međunarodne organizacije rada;
20. Davanje saglasnosti za ratificiranje Konvencije o zaštiti i korištenju prekograničnog vodotoka i međunarodnih jezera - Helsinki, 17. marta 1992. godine;
21. Davanje saglasnosti za ratificiranje Konvencije o radu na nepuno radno vrijeme, broj: 175 iz 1994. godine, i Preporuke o klauzulama o radu na nepuno radno vrijeme, broj: 182 iz 1994. godine, Međunarodne organizacije rada;
22. Davanje saglasnosti za ratificiranje Konvencije o sigurnosti i zdravlju u rudnicima, broj: 176 iz 1995. godine, i Preporuke o sigurnosti i zdravlju u rudnicima, broj: 183 iz 1995. godine, Međunarodne organizacije rada;
23. Davanje saglasnosti za ratificiranje Konvencije o radu kod kuće, broj: 177. iz 1996. godine, i Preporuke o radu kod kuće, broj: 184 iz 1996. godine, Međunarodne organizacije rada;
24. Davanje saglasnosti za ratificiranje Konvencije o privatnim agencijama za zapošljavanje, broj: 181 iz 1997. godine, i Preporuke o privatnim agencijama za zapošljavanje, broj: 188 iz 1996. godine, Međunarodne organizacije rada;
25. Davanje saglasnosti za ratificiranje Konvencije o zaštiti materinstva, broj: 183 iz 2000. godine, i Preporuke o zaštiti materinstva, broj: 191 iz 2000. godine, Međunarodne organizacije rada;
26. Davanje saglasnosti za ratificiranje Konvencije o sigurnosti i zdravlju u poljoprivredi, broj: 184 iz 2001. godine, i Preporuke o sigurnosti i zdravlju u poljoprivredi, broj: 192 iz 2001. godine, Međunarodne organizacije rada;
27. Davanje saglasnosti za ratificiranje Konvencije o radu na moru (MLC) iz 2006. godine Međunarodne organizacije rada,
28. Davanje saglasnosti za ratificiranje Konvencije o radu u ribolovu, broj: 188 iz 2007. godine, i Preporuke o radu u ribolovu, broj: 199 iz 2007. godine.

Ad.1. Odgovori na delegatska pitanja i delegatska pitanja

Odgovore na delegatska pitanja dobili su: Zoran Koprivica - na dva pitanja postavljena na 29. sjednici, i Branko Zrno, na pitanje postavljeno na 29. sjednici Doma naroda.

Delegat Zoran Koprivica izjasnio se da je djelimično zadovoljnim dobivenim odgovorima.

Delegat Branko Zrno izjasnio se da je zadovoljan dobivenim odgovorom.

Delegat Dušanka Majkić postavila je sljedeće pitanje predsjedavajućem Vijeću ministara BiH:

Dom naroda PSBiH je, na sjednici od 21.1.2009., jednoglasno donio sljedeći zaključak:

„Dom naroda traži od Ministarstva komunikacija i prometa BiH da u roku od 15 dana dostavi Domu naroda punu informaciju o kriterijuma, postupcima i načinu raspodjele CEMT dozvola za 2009. godine domaćim prijevoznicima. U informaciju treba uključiti i broj i razlog prigovora prijevoznika, kao i žalbene postupke koji su u toku. I urgencija za dostavljanje navedene informacije uslijedila je u aprilu ove godine, ali odgovor ni do danas nije stigao.

S obzirom da je od navedenog roka prošlo gotovo šest mjeseci, molim predsjedavajućeg Vijeća ministara BiH da, preko Ministarstva komunikacija i prometa BiH, omogući dostavljanje pune informacije o kriterijuma, postupcima i načinu raspodjele CEMT dozvola za 2009. godinu domaćim prijevoznicima.“

Delegat Slobodan Šaraba postavio je sljedeće pitanje Ministarstvu sigurnosti BiH:

„Kada će Ministarstvo sigurnosti BiH i resorni ministar postaviti oficira za vezu pri Centralnom birou Interpola u glavnom uredu u Lionu?“

Delegat dr. Mladen Ivanić postavio je sljedeće pitanje Ministarstvu finansija i trezora BiH:

„Da li je sredstavima ostvarenim na osnovu sporazuma s MMF-om predviđena podrška budžetima općina, s obzirom da je tu najteža situacija sa stanovišta punjenja njihovih budžeta? U koje namjene će biti upotrijebljena sredstva od MMF-a?“

Delegat Adem Ibrahimpašić postavio je sljedeće pitanje Vijeću ministara BiH, Ministarstvu vanjske trgovine i ekonomskih odnosa BiH, predstavniku Evropske komisije u BiH Kurkulasu, OHR-u i ambasadoru Republike Hrvatske:

„Zašto država Hrvatska proizvođačima ječma iz BiH ometa izvoz tog proizvoda njihovim partnerima u Hrvatskoj (Poljoprivredno-prehrambeni kompleks Nova Gradiška, odnosno Slavonija slad N. Gradiška) s kojima imaju uredno potpisane ugovore o proizvodnji i isporuci ječma? Ometanje se manifestira uskraćivanjem izdavanja ili neblagovremenim izdavanjem prije godinu dana uvedenih dozvola za uvoz ječma u Hrvatsku.“

Ad. 2. Usvajanje Zapisnika 31. sjednice Doma naroda

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Zapisnik 31. sjednice Doma naroda.

Ad. 3. Izvještaj Zajedničke komisije za usaglašavanje teksta Prijedloga zakona o izmjenama

i dopunama Zakona o Graničnoj policiji BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je jednoglasno usvojio Izvještaj Zajedničke komisije za usaglašavanje teksta Prijedloga zakona o izmjenama i dopunama Zakona o Graničnoj policiji BiH, pa je samim time Zakon usvojen.

Dom naroda usvojio je i sljedeći zaključak:

„S obzirom na potrebu da pitanja koja, u skladu sa usvojenim amandmanima na Prijedlog zakona o izmjenama i dopunama Zakona o Graničnoj policiji BiH, treba regulirati na identičan način i u Zakonu o Državnoj agenciji za istrage i zaštitu, to se od Vijeća ministara BiH zahtijeva da u što kraćem roku izradi i u parlamentarnu proceduru dostavi prijedlog izmjena i dopuna tog zakona“.

Ad.4. Zahtjev Vijeća ministara BiH za razmatranje Prijedloga zakona o izmjenama i dopunama Zakona o plaćama i naknadama u institucijama BiH po hitnom postupku, u skladu s članom 122. Poslovnika Doma naroda

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda, s dva glasa „za“ i 13 glasova „protiv“, nije usvojio Zahtjev za razmatranje Prijedloga zakona po hitnom postupku, nakon čega je, s 14 glasova „za“, jednim glasom „protiv“, usvojio da se Prijedlog zakona razmatra po skraćenom postupku.

Ad. 5. Prijedlog zakona o izmjenama i dopunama Zakona o službi u Oružanim snagama BiH (drugo čitanje), predlažać: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Zakon o izmjenama i dopunama Zakona o službi u Oružanim snagama BiH.

Ad. 6. Prijedlog zakona o kontroli vanjskotrgovinskog prometa robe i usluga od strateške važnosti za sigurnost BiH (drugo čitanje), predlažać: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, dr. Mladen Ivanić i Branko Zrno.

Nakon rasprave o ovoj tački, Dom naroda je, s 14 glasova „za“ i jednim glasom „protiv“, usvojio sljedeći zaključak:

„Dom naroda Parlamentarne skupštine Bosne i Hercegovine odlučio je Prijedlog zakona o kontroli vanjskotrgovinskog prometa robe i usluga od strateške važnosti za sigurnost BiH (drugo čitanje) vratiti Zajedničkoj komisiji za odbranu i sigurnost BiH Parlamentarne skupštine BiH na ponovno odlučivanje o svim predloženim amandmanima, razmatranim na sjednici Zajedničke komisije za odbranu i sigurnost BiH Parlamentarne skupštine Bosne i Hercegovine.“

Ad.7. Prijedlog zakona o upotrebi znakovnog jezika u BiH (prvo čitanje), predlažać: Predstavnički dom

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Ivo Miro Jović i Dušanka Majkić.

Dom naroda jednoglasno je usvojio Prijedlog zakona o upotrebi znakovnog jezika u prvom čitanju.

Ad. 8. Godišnja platforma o sigurnosno-obavještajnoj politici, podnosilac: Predsjedništvo BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Božo Rajić.

Dom naroda je jednoglasno usvojio Godišnju platformu o sigurnosno-obavještajnoj politici, podnosilac: Predsjedništvo BiH, sa sljedećim amandmanom Zajedničke komisije za nadzor nad radom Obavještajno-sigurnosne agencije BiH.

„U poglavlju III. 3. TERORIZAM I RADIKALNA DJELOVANJA u podnaslovu RADIKALNA DJELOVANJA u trećem redu iza riječi „na“ stavljaju se dvije tačke i dodaju riječi: „djelovanje protiv države Bosne i Hercegovine“, koji je postao sastavni dio Godišnje platforme o sigurnosno-obavještajnoj politici“.

Ad. 9. Informacija o radu Tužilaštva BiH za 2008. godinu

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Sulejman Tihić, mr. Alma Čolo, Božo Rajić, Ivo Miro Jović, Branko Zrno, Drago Ljubičić, Zoran Koprivica i glavni tužilac BiH Milorad Barašin.

Budući da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti). Potom je u drugom krugu glasanja, s deset glasova „za“, tri glasa „protiv“ i dva „suzdržana“ glasa, Informacija o radu Tužilaštva za 2008.godinu „**primljena je k znanju**“.

Ad. 10. Informacija Ombudsmena za ljudska prava BiH o zatečenom stanju u 2008. godini i aktivnostima preduzetim u 2009. godini

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Slobodan Šaraba, Ivo Miro Jović, Sulejman Tihić i ombudsmen za ljudska prava BiH Jasminka Džumhur.

Dom naroda je, s 13 glasova „za“ i jednim „suzdržanim“ glasom, usvojio Informaciju Ombudsmena za ljudska prava BiH o zatečenom stanju u 2008. godini i aktivnostima preduzetim u 2009. godini sa sljedećim zaključkom:

1. „Prima se k znanju Informacija Ombudsmena za ljudska prava BiH o zatečenom stanju u 2008. godini i aktivnostima preduzetim u 2009. godini.
2. Poziva se Ministarstvo pravde BiH da, u saradnji s entitetskim ministarstvima pravde, održe sastanak i predlože rješenja u vezi s problemima u primjeni Zakona o izmjenama i dopunama Zakona o ombudsmena za ljudska prava BiH, na osnovu Informacije ombudsmena za ljudska prava BiH o zatečenom stanju u 2008. godini i aktivnostima preduzetim u 2009. godini.“

Ad. 11. Informacija o stanju sigurnosti u BiH u 2008. godini

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Slobodan Šaraba i mr. Alma Čolo.

Dom naroda je, s 13 glasova „za” i jednim „suzdržanim” glasom, Informaciju o stanju sigurnosti u Bosni i Hercegovini u 2008. godini primio k znanju sa sljedećim zaključkom:

1. Od Vijeća ministara BiH zahtijeva se da obavi prethodnu raspravu o Informaciji o stanju sigurnosti BiH za 2008. godinu, sačini plan mjera za rješavanje sigurnosnih pitanja, i o tome dostavi informaciju Zajedničkoj komisiji i domovima Parlamentarne skupštine BiH;
2. Radi rješavanja pitanja i problema i predlaganja mjera iz oblasti sigurnosti navedenih u Informaciji, Zajednička komisija obavezuje se da organizira posebnu sjednicu s ministrom sigurnosti BiH, njegovim saradnicima, te direktorima sigurnosnih agencija BiH, uključujući i direktora BHMACH-a. Pitanja obrađena Informacijom bit će detaljno razmatrana potom i na konferenciji o stanju sigurnosti koju će Zajednička komisija organizirati u skladu sa usvojenim Radnim planom za ovu godinu.“

Ad. 12. Izjašnjavanje Doma o prijedlogu Zajedničkog kolegija oba doma Parlamentarne skupštine BiH za obraćanje kolegija oba doma visokom predstavniku za BiH radi davanja mišljenja o Zaključku Zajedničke komisije za ljudska prava, prava djeteta, mlade, imigracije, izbjeglice, azil i etiku

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Sulejman Tihić, Božo Rajić, Mladen Ivanić, Slobodan Šaraba, mr. Alma Čolo i Zoran Koprivica.

S obzirom u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti). Potom je u drugom krugu glasanja, sa osam glasova „za“, pet glasova „protiv“ i dva „suzdržana“ glasa, Dom naroda usvojio Zaključak povodom zaključaka Zajedničke komisije za ljudska prava, prava djeteta, mlade, imigraciju, izbjeglice i azil a to je da se kolegij oba doma obrati visokom predstavniku za BiH radi davanja mišljenja o Zaključku Zajedničke komisije.

Prije prelaska na razmatranje sljedećih tačaka dnevnog reda, predsjedavajući Doma naroda predložio je da se Dom izjasni o tome da se davanje saglasnosti za ratificiranje za sve navedene tačke objedini što je jednoglasno usvojeno.

Predsjedavajući Doma naroda otvorio je raspravu o ovim tačkama dnevnog reda. Nije bilo delegata prijavljenih za raspravu. Dom naroda jednoglasno je dao saglasnost za ratificiranje:

Ad. 13. Sporazuma između Vijeća ministara BiH i Vlade Države Izrael o ukidanju viza za nosioce diplomatskih i službenih pasoša;

Ad. 14. Sporazuma između Vijeća ministara BiH i Vlade Savezne Republike Njemačke o finansijskoj saradnji u 2006. godini;

Ad. 15. Sporazuma između Vijeća ministara BiH i Vijeća ministara Republike Albanije o uzajamnim putovanjima državljana;

Ad. 16. Dodatka Memorandumu o razumijevanju između Vlade Kraljevine Holandije i Vijeća ministara BiH o Programu za suradnju s tržištima u nastajanju (PSOM);

- Ad. 17. Zasebnog aranžmana između Kfw-a, Frankfurt na Majni i BiH, koju zastupa Ministarstvo finansija i trezora BiH, kao i Federacije BiH, koju zastupa Federalno ministarstvo finansija, i Republike Srpske, koju zastupa Ministarstvo finansija Republike Srpske;**
- Ad. 18. Konvencije o identifikacionim dokumentima pomoraca (revidirana), broj: 185 iz 2003. godine;**
- Ad. 19. Konvencije o klauzulama o radu (javni ugovori), broj: 94 iz 1949. godine, i Preporuke o klauzulama o radu (javni ugovori), broj: 84 iz 1949. godine, Međunarodne organizacije rada;**
- Ad. 20. Konvencije o zaštiti i korištenju prekograničnog vodotoka i međunarodnih jezera - Helsinki, 17. marta 1992. godine;**
- Ad. 21. Konvencije o radu na nepuno radno vrijeme, broj: 175 iz 1994. godine, i Preporuke o klauzulama o radu na nepuno radno vrijeme, broj: 182 iz 1994. godine, Međunarodne organizacije rada;**
- Ad. 22. Konvencije o sigurnosti i zdravlju u rudnicima, broj: 176 iz 1995. godine, i Preporuke o sigurnosti i zdravlju u rudnicima, broj: 183 iz 1995. godine, Međunarodne organizacije rada;**
- Ad. 23. Konvencije o radu kod kuće, broj: 177. iz 1996. godine, i Preporuke o radu kod kuće, broj: 184 iz 1996. godine, Međunarodne organizacije rada;**
- Ad. 24. Konvencije o privatnim agencijama za zapošljavanje, broj: 181 iz 1997. godine, i Preporuke o privatnim agencijama za zapošljavanje, broj: 188 iz 1996. godine, Međunarodne organizacije rada;**
- Ad. 25. Konvencije o zaštiti materinstva, broj: 183 iz 2000. godine, i Preporuke o zaštiti materinstva, broj: 191 iz 2000. godine, Međunarodne organizacije rada;**
- Ad. 26. Konvencije o sigurnosti i zdravlju u poljoprivredi, broj: 184 iz 2001. godine, i Preporuke o sigurnosti i zdravlju u poljoprivredi, broj: 192 iz 2001. godine, Međunarodne organizacije rada;**
- Ad. 27. Konvencije o radu na moru (MLC) iz 2006. godine Međunarodne organizacije rada,**
- Ad.28. Konvencije o radu u ribolovu, broj: 188 iz 2007. godine, i Preporuke o radu u ribolovu, broj: 199 iz 2007. godine.**

Sjednica je završena u 14,30 sati.

Sastavni dio ovog zapisnika je neautorizirani transkript 32. sjednice Doma naroda.

SEKRETAR
DOMA NARODA
Marin Vukoja, v.r.

PREDSJEDAVAJUĆI
DOMA NARODA
Ilija Filipović, dipl. iur., v.r.

